

docriver 文川網
古籍書城
入駐商家
在文川網搜索古籍書城 获取更多電子書

畿輔安瀾志

嘉慶十三年九月丁亥

上諭試用通判王履泰於回鑾途次恭進編輯畿輔安瀾志六函當令董誥等公同閱看具奏朕覆加披覽於直隸通省河道原委辨證明晰並將古今修防事實詳悉登載足資參考尙屬有用之書著武英殿用聚珍板排印以備陳設頒賞王履泰著發往直隸以通判卽補交溫承惠遇有應辦水利事宜差遣委用欽此

畿輔安瀾志

一

畿輔安瀾志凡例

一是志草創之始原名水利考顧念羣流順軌悉本

列聖規畫精詳萬年底定我

皇上時巡津甸閱視河隄名曰安瀾所以昭

前烈重

睿謨也係於

畿輔者專志直隸之水也

一是志為篇二十有三首永定河尊

京師也又為

畿輔安瀾志

凡例

聖祖仁皇帝賜名萬世永賴宜為全書之冠由永定河溯源桑

乾次之由桑乾以次而南唐河次之沙河又次之滋

河又次之漳沱又次之漳河又次之衛河發源河南

與漳河近故又次之由桑乾以次而北洋河次之榆

河又次之白河又次之潮河又次之灤河又次之由

永定以次而西而南涿水次之易水又次之府河又

次之清河又次之大陸澤又次之甯晉泊又次之滏

河又次之由永定以次而北而東大通河次之薊運

河又次之陡河沙河此又一又次之聯絡貫注務俾

全省瞭如不致稍紊

一是志每篇分門十一溯其源流則曰原委尋其舊跡

則曰故道旁及餘水則曰附載捍禦有方宣洩有資

則曰隄防工有險易汎有專屬則曰工汎以通津梁

則曰橋渡以利疏濬則曰修治以資工料則曰經費

以重管轄則曰官司以報功德則曰祠廟以滋稼穡

則曰水利如篇有不備則闕之事可散見則畧之不

拘一例

一是志詳次諸水一做水經注以大水包小水凡匯入

畿輔安瀾志

凡例

二

之水分出之水或見原委或見故道皆次第所經隨

地詳註其有自為一水不相貫注或支分亂流無所

專屬或源流短淺盈涸無時或古有今無盡述故迹

及井渠汲引並非通流俱詳附載

一是志諸水有古名有今名古水即由今水而見故不

復另分古水又諸水隄防有隄有埝有堰有閘有壩

有涵洞名類不一要皆以為隄防也故概曰隄防又

有決溢而後有修治決溢即因修治而見故概於修

治又夫役者役於官司者也故官司之後即附夫役

一是志一倣水經注非倣其文也但詳次諸水經以爲網援引諸書注以爲目凡有考正辨訛謹別以案庶免混淆

一是志援引諸書但取其足證水道至郡邑沿革名蹟附會皆足以迷誤古水不容不考但究與城邑考名勝志輿地記有別如夸詳博未免喧雜又引書或古今並載或舍古取今惟簡明爲貴煩複是刪以清眉

目

一是志無論古書今志沿襲舊訛皆爲辨正蓋名稱一

畿輔安瀾志

凡例

三

混水道便迷以致移東就西彼此互易不敢忽也

一是志所輯皆據現在古今水道遷徙城郭建置原不盡同執古以疑今據今以疑古皆非通論說有異同書有譌舛不可不辨有疑則闕

一是志所載諸書及奏稿碑記繁冗不能全登惟有刪節原文不敢增改隻字稍蹈志書庸妄之習卽諸志原引古書皆爲考正一據原書不敢以譌傳譌也

一是志自經始以迄削藁歷十有餘年凡水道所經不特案圖詳考甚至履地沿尋凡涉臆說鑿空皆所不

取

一是志所載各河修治輯至嘉慶十二年蓋以水利工程分別緩急自此而定其未奉核准及歲修纖細之工槩不具書億萬斯年平成永慶率由舊章後有增修無難續志

臣王履泰謹識

畿輔安瀾志

凡例

四

docsriver 文川网
入驻商家 古籍书城

在文川网搜索古籍书城 获取更多电子书

畿輔安瀾志篇目

永定河十卷

桑乾河二卷

唐河二卷

沙河一卷

滋河一卷

滹沱河四卷

漳河三卷

衛河八卷

畿輔安瀾志

總目

洋河二卷

榆河一卷

白河四卷

潮河一卷

灤河二卷

涑水二卷

易水二卷

府河一卷

清河二卷

大陸澤二卷

甯晉泊一卷

滏陽河一卷

大通河一卷

薊運河二卷

陡河沙河一卷

畿輔安瀾志

總目

畿輔安瀾志

永定河卷一

原委

永定河卷二

故道

永定河卷三

故道

永定河卷四

隄防

畿輔安瀾志

永定河目錄

一

永定河卷五

隄防

永定河卷六

隄防

永定河卷七

工汛

橋渡

永定河卷八

修治

永定河卷九

經費

官司

永定河卷十

祠廟

水利

畿輔安瀾志

永定河目錄

二

畿輔安瀾志

臣王履泰恭纂

永定河卷一

原委

永定河舊名盧溝河即桑乾下流也亦曰渾河一作南桑乾河非也水流無定衝決為患康熙三十七年

賜名永定河

酈道元水經注濕水又東北流左會桑乾水即潦涪水也周輝北轅錄盧溝河亦謂黑水河河色最濁

畿輔安瀾志

永定河卷一

一

范成大石湖集盧溝河去燕山三十五里宋敏求謂之盧菰河即桑乾河也孫國敕燕都遊覽志桑乾下流為渾河渾河下流為盧溝河以其濁故呼渾河以其黑故呼盧溝河本一也通鑑隋大業八年春正月四方兵皆集涿郡宜社於南桑乾水上胡三省註薊城南桑乾即今之盧溝橋下之水謹案隋書七年征遼東煬帝遣諸將於薊城南桑乾河築社稷壇設方壇行宜社禮通鑑去薊城二字而以南字屬下讀方與紀要遂云桑乾水亦一統志永定河即桑乾河古名濕水又名清泉河謹案水經注濕水自南出山謂

設方壇行宜社禮通鑑去薊城二字而以南字屬下讀方與紀要遂云桑乾水亦謂之南桑乾水

又名清泉河謹案水經注濕水自南出山謂之清泉河上承桑乾河東流與潞河合

亦名盧溝河山渾河元時自宛平分流為二後

舊渠堙塞其南出於水樂後設西南流經固安新

城雄縣至霸州嘉靖初徙於固安縣北十餘里東

流入永清縣界經霸州東北境達信安入海萬曆

中又徙固安縣四十餘里尋徙城南泛溢固安永

輔安瀾志

永定河卷一

二

清之境後又徙固安之北

本朝順治十一年復改流縣西與清水合流西入新城

境至霸州城南溢為巨浸康熙三十七年

特命撫臣于成龍等疏濬起長鄉之張客莊至東安之郎城

河重開一道遷流於東由固安永清之北引流直

出柳岔口三角淀達於西沽築長隄捍之

賜名永定河

謹案桑乾河渾河盧溝河因地異名原非可混諸

書不拘一稱遂若此水本無定名以致源流分合
往往滋惑辨見桑乾河篇

河自石景山南流逕順天府宛平縣漢為蒯縣地西三十

里出盧溝橋其東為拱極城

〔劉侗帝京要物畧〕金閣寺遠望蒼黃一道南綴者

渾河也〔明史河渠志〕盧溝河穿西山入宛平縣

界〔周夢暘水部備考〕盧溝河在京城西四十里

石徑山之東地勢平而土脈疏衝激震蕩遷徙弗

常〔陳全之篷窗日錄〕京師朱雀水為盧溝河

〔破夢閑譚〕議者謂畿輔咽喉宜設兵防守又須築

城以衛兵於是當橋之北規里許為斗城城名拱

北〔畿輔通志〕永定河在宛平縣西三十里

〔統志〕石徑山在宛平縣西三十七里上為金閣寺

亦名石景山拱極城在宛平縣西四十里盧溝橋

東明堂禎間築名曰拱北

本朝更名拱極城

永定河卷一 三

又東南流逕長安城距固安縣二十里每歲總督防汛駐此又東南流
逕求賢村又東南流逕良鄉縣東廣陽河鹽溝河之
水入焉

〔王曾上契丹事〕涿州北六十里至良鄉渡盧溝河

〔顧祖禹方輿紀要〕盧溝河在良鄉縣東三十里

自盧溝橋下分流經此又廣陽水在縣東源出房

山縣北三十里之公村經廣陽故城下南流與鹽

溝水合注於桑乾〔曹學佺名勝志〕鹽溝河發源

自宛平縣龍門關南流經本縣陶村入桑乾河

〔蔣一葵長安客話〕鹽溝即閻溝發源自宛平縣龍

門口東南流與廣陽水合

又東南流逕涿州東

〔涿州志〕渾河在州東二十五里桑乾河下流

〔謹案〕涿州本非渾河所經自渾河南徙奪琉璃胡

良挾活諸河而東南趨於玉帶河據一統志云承

樂後改今考明史河渠志洪武十六年濬桑乾河

永定河卷一 四

自固安至高家莊則不始永樂朝矣又元史水紀
仁宗延祐元年六月涿州范陽房山二縣渾河溢
壞民田四百九十餘頃則渾河之決涿州并不自
明始矣大抵元時既廢金口河渾河之流經高麗
莊下入通州白河者漸已淤塞迨明初南出之流
益盛故洪武中遂濬治之高家莊卽新城之高橋
窪流爲高村河亦卽白溝河之支流也琉璃胡良
挾活諸河之水旣爲渾河所奪益徙而西南出自

輔安瀾志

永定河卷一

五

康熙三十七年開永定新河以後渾河之西南衝
突者皆東北注清濁乃分路矣

又東南流逕固安縣北

〔新固安縣志〕永定河出盧溝橋下流入縣界順治
十一年始從公村溢流與清河會康熙三十七年
自涿州之老君堂另開河道迤邐而東由固安縣
北之十里舖至永清引流入霸州柳岔口歸淀達
海

又東南流逕永清縣東北復改由東南之冰窖村出
永

〔乘史〕太平寰宇記永清縣桑乾水在北十里東南
流 〔東安縣志〕康熙三十七年大築隄堰疏濬並
施自盧溝以下由固安之楊村坨頭經永清之郭
家務抵霸州之牛眼至大城之辛張歸淀

〔謹案〕自康熙三十七年開河之始由狼城淀入東
淀三十八年以狼城淀河漸次淤平上游壅塞明

輔安瀾志

永定河卷一

六

年於縣北之郭家務別開新河長六十里又明年
河成以舊河南岸爲北隄更築南隄引流於舊下
口之南霸州牛眼村北出柳岔口歸淀此爲第二
次改移之始畿輔通志一統志均未之詳東安縣
志又合二事爲一皆非也雍正四年引渾河別由
一道入海於郭家務開渠長七十里東注自柳岔
口以下導之北流又自武家莊開引河三十餘里
達於王慶坨河東北入長洵河歸三角淀而注之

三河頭與清河會此為第二次改河東北出之道由是以舊河為故道冰窖村在縣東南三十里南岸王虎莊之東乾隆十六年河水改流於此出水循南坦坡埡導入葉淀則第三次改移也詳後修治

又東流逕霸州東北去州治六十里又東流逕文安縣東北

去縣治八十五里

謹案霸州文安之界舊為渾河所衝決自康熙三

十七年河由柳岔口霸州志去口頭村七十里歸玉帶河會大

安瀾志

永定河卷一

七

清河雍正四年改挑新河河身漸遠今復改流東北注其所經由僅在境上不復近城矣惟中亭玉帶二河為金門開下引河之水由此會歸蓋其支流非正道也

又東流逕東安縣南境又改由縣西南之北大隄出

水曰新下口

東安縣志縣治舊在常道城東耿就橋行市南經渾河衝決洪武三年移治於常道鄉張李店即今

治也永定河間或西折則逆流至淘河復折而東經葛漁城穆家口仍歸沙家淀下口東邑境內自狼城至東沽港永定河身長二十里下口渾流所佔則淘河葛漁城于家隄三村宛在水中田廬多被其害一二年來亦日漸淤墊矣

謹案乾隆十九年伏秋汛盛漲東老隄一帶水勢奮激全河濁泥悉輸送於下口之外縱竭力挑濬而得勝口以下水道間段淤阻難期暢達擬於安

安瀾志

永定河卷一

八

瀾城下挑築引河北埡附隄居民以惠家莊等十餘村四面環隄瀝水無歸引河北趨勢必倒漾兼地本斥鹵咸願讓地行水遂移北大隄為水口而廢永清縣之冰窖舊口此為第四次改移下口也

詳後修治

又東流逕通州武清縣漢曰雍奴西南境又東流龍河之

水入焉今入鳳河又東流逕沙淀又東流南截鳳河之尾

桑欽水經濕水又東至漁陽雍奴縣西入笥溝

武清縣志鳳河其形似鳳自

南苑中流出至三堡入縣境歷墩上村漸深廣迤城之
北而東經韓村洞林三間房南出四村店商村南
宮柳巷東州寺兒上艾甫莊龐家莊至東蕭家莊
入天津界歸淀龍河在縣西南三十里由東安至
穆家口入縣境原於六道口民隄涵洞入永定河
今隄南已淤涵洞亦廢竟由隄北方坑小河引入
鳳河矣沙家淀在縣南五十里

畿輔安瀾志

永定河卷一

九

謹案永定河自東沽港起至右各莊卽入北埝小
河歷西州抵東州爲鳳河之下尾匯入於龐家莊
至蕭家莊出境入天津界河身屈曲約長二十餘
里鳳河舊由墩上村至二光歸淀因故道淤塞雍
正四年興修水利一路挑挖過雙口抵青沽港入
淀近年以來不特渾河由沙家淀至東蕭家莊南
歸鳳河而東武西北一帶滙水亦自北大門減河
卽北埝小河至龐各莊東歸鳳河誠東武二縣最要河

道必須時爲疏挖寬深以資宣洩一統志元史河
渠志渾河本盧溝水從大興縣流至東安則武清
縣入灤州界此乃元時渾河故道明時渾河南注
奪琉璃河經流下達霸州其東流一道不復相通
土人遂以琉璃河爲渾河而以元時渾河爲鳳河
矣或以上接大興東南三里河下至張家灣者爲
渾河舊渠觀此則今日所行猶是故道五百年來
不遠而復也

畿輔安瀾志

永定河卷一

十

又東流逕靜海縣西北境

謹案鳳河自天津縣西北丁家莊接武清縣界東
南行通永定河由葉淀一帶分溝競納至韓家樹
西歸於淀池之大清河長二十四里河面寬二丈
深二三尺不等方輿紀要靜海縣南百里有韓樹
河泊司今廢一統志楊柳青渡在靜海縣北四十
五里去天津四十餘里自此渡上韓家樹抵京師
較天津差近卽今鳳河入天津之處

又東流逕天津縣漢曰城北會於西沽俗謂之西河

永經沽水篇又東南至雍奴縣西筍溝酈注濕水

入焉俗謂之合口也方輿紀要三角淀即古雍

奴水也水經注雍奴者數澤之名四面有水曰雍

不流曰奴其源曰范甕口王慶坨河掘河越深河

劉道口河魚兒里河皆聚於此東會于直沽港入

於海一名筍溝水一統志西沽在天津縣北白

武清縣滙三角淀與白河會注於直沽形如丁字

畿輔安瀾志

永定河卷一

五

故又名丁字沽其上流今總名淀河天津縣志

丁字沽即西沽也畿輔通志淀河在縣北五里

永定子牙清河之會流也自河頭至丁字沽入北

運河長四十里淀水浩淼至此始有涯岸故名河

頭

謹案沽河即西沽浮橋下之河也西自楊家河出

三河頭至丁字沽會北運河從前永定子牙清河

三水會流今子牙自為一河由天津縣北之紅橋

下會北運河而淀河則總會永定河仍歸于西沽

會北運河又案水經注沽河又東南至雍奴縣

西入筍溝又東南至泉州縣與清河合東入于海

清河者派河尾也鮑邱水南過潞縣西又南至雍

奴縣北屈東入于海考鮑邱水今潮河桑乾白河

與之合流入清河清河今大清河泉州縣屬漁陽

郡故城在武清縣東南即今天津縣地宋為清州

窩口若金明昌四年以其地置靖海縣元至元二

畿輔安瀾志

永定河卷一

五

年併入會川縣立靖海鎮尋復舊清河直其西北

境乃道元云今無水似不可解而鮑邱水篇注洶

水又北逕雍奴縣東自序池北入鮑邱河謂之泉

州口陳壽魏志曹太祖從洶口繫遼逕雍奴泉州

以通河海者也今無水則又指泉州渠而言當是

沽水篇注以泉州縣為泉州渠而誤注也今桑乾

之水折入武清縣之西南又南接靜海之西北下

入天津合南北運河入直沽達海者即道元所云

清淇漳洹滏易涿滹沽滹沱同歸于海故經曰派尾河也歷數十水不及濕與鮑邱者前已言之從省文耳求之河道大概古今亦無弗合也

又東北流會南北二運河爲三汊河又東入于海河同入于海

二統志直沽在天津內城北南則衛河合南路之水北則白河受北路之水西則丁字沽受三角淀之水皆至城東北三汊口合流東注舊名小直沽

畿輔安瀾志

永定河卷一

三

其東南十里曰大直沽地勢平行每遇霖潦羣流漲溢茫無涯涘故有大直沽之名又東南爲大沽口衆水由此入海卽通典所謂三會海口也 畿輔通志三岔河在縣東北本名三叉口亦名三叉沽海河南北運河之會流也自天津東北三岔口迄大直沽口長一百二十里溪廣崖深奔流湍駛潮汐迎之則逆行而上焉真所謂逆河是也 謹案永定河自武清縣東歸入淀河流逕靜海西

北境穿葉淀以達於天津白河自北來衛河自南至桑乾自西入乃得西河之一名杜佑所謂三會海口指此三河而言蓋居然鼎足之勢矣自入大清河以下土地寬平不復有淤塞之慮所以治永定河全在爭下口之出水不復計海河之散湧也 附子牙河卽漳滏二河之下流也後爲滹沱所奪經靜海之子牙鎮名子牙河上流自河間府獻縣臧家橋下達河間縣東至大城縣南折而東北由

畿輔安瀾志

永定河卷一

四

王家口入東淀至臺頭會大清河而下乾隆十年興修水利工程以子牙濁流淤墊而北獨流坑將成平陸出水之楊家河至河頭皆有阻梗實爲全淀隱患於是自莊兒頭另闢新河又接築格隄一道由獨流當城楊柳青自爲一河至天津城北五里許會北運淀河北岸復築長隄九十里名格淀大隄當城以下又改爲疊道自此清渾兩流卽臺頭以下之淀水不復有子牙壅淤而永定河出鳳

口之水流流蕩漾東獲湍駛之利

北運河即白河與沽河會湖榆通惠諸水其流浸大復有西山諸泉水入之而以白河為經流畢會于通州之南曰潞河為漕艘抵通之要道永定河舊于大興縣東南流入通州高麗莊又東南流至州城南抵張家灣與白河合今由東安武清靜海天津之境出鳳口合大清河入淀河而東者自此會流三里許至天津城東北三汊口與南運河合

畿輔安瀾志

永定河卷一

五

流由東門外海河至葛沽入海

渤海在天津縣界東南一百二十里重洋浩淼即大海也通志云東際遼海西直沽即今之大沽口河流入海處也海口兩岸一闕中橫土人謂之海門潮汐所至北抵北運之楊村南抵南運之程官屯西抵淀河之羊鳳港率二百餘里其水皆淡鹹潮抵海門而止無岔入者海船颺迅珍貨鱗集遠而閩浙近則登遼旬日可達控扼險要誠畿輔之

大形勝也講求海運則元明兩朝規畫備已

謹案南運子牙淀河自靜海而下三河各遠不及數里至天津而又與北運合流每伏秋諸河水發河淀皆盈惟賴運河之北隄子牙之新隄間格不混稍有疎防則汪洋一片永定一河介乎兩運之間無南北再徙之理全恃淀河輔翼行之使專而不分則運道不致橫穿故志永定者必兼及二運焉又海河萬派會流清渾迤注每至伏秋水勢浩

畿輔安瀾志

永定河卷一

五

大若有下瀉不及之狀有以海河漸淤歸咎于永定之濁流者不知永定泥沙乾隆四十二年

高宗純皇帝命濬閩河

閩河為鳳河之源

鳳河之流益暢足以刷永

定之濁出鳳之水大半清澈此共見者間嘗周覽海河兩岸水落歸槽之後灘邊常淤皆帶赤色與南運衝漳之淤無異然而運水至海河以吸川之勢鼓盪衝激中泓斷無停積之理明河臣潘季馴所謂溜急則刷河而行是也夫永定無淤沙而南

遲又不能獨淤海河何自而梗噎歟第以畿南七十餘河之水合流爭赴惟藉一河以爲傳送經行既久不無蓄積理固然歟是不可以不詳審而熟計之也

畿輔安瀾志

永定河卷一

七

畿輔安瀾志

臣王履泰恭纂

永定河卷二

故道

永定河故道支流在大興宛平通州界者爲古高粱河一名皂河

〔永經注〕濕水又東南高粱之水注焉水出薊城西

北平地泉 〔太平寰宇紀〕高粱河在薊縣東四里

畿輔安瀾志

永定河卷二

一

南流合桑乾水桑乾水西北自昌平縣界東南流

經府西又東流經南又東南與高粱河合 〔金史

本紀〕章宗承安二年命勿毀高粱河隄從民灌溉

〔明史地理志〕大興縣有高粱河在西北 〔長安

客話〕高粱河發源西山匯流爲西湖東爲小渠由

此入大興稱玉河水急而清 〔方輿紀要〕高粱河

金人亦謂之皂河今大通河卽高粱河下流也

〔二統志〕高粱河在宛平縣西舊志高粱河在西直

門外半里自昌平州沙澗東南流逕高粱店又東南流入都城積水潭謹案方輿紀要海子舊名積水潭水急而清魚沉水底鱗鬣皆見綠柳紺宇映爽交迎遼時耶律沙與宋兵戰于高粱河卽此金時亦謂之皂河上有高粱橋今爲玉河上流卽玉泉山水所經別曰高粱者存古名也

謹案水經注濕水南至馬陘山謂之落馬河濕水自南出山謂之清泉河亦謂之干水非也濕水又

畿輔安瀾志

永定河卷二

三

東南逕良鄉縣之北界歷梁山南高粱水出焉據此是先有清泉河後有高粱河且濕水卽謂之清泉河也又引魏氏土地記清泉河上承桑乾東流與潞河合據此似別有一清泉以承桑乾也又云濕水東入漁陽所在枝分故俗諺云高粱無上源據濕水篇注清泉無下尾蓋以高粱微涓淺薄緣水出平地 足通津憑藉清流方成川嗣清泉至潞所在枝分更爲微津散漫難尋故也鮑沽水篇注引劉靖碑

其邊表云高粱河水者出自并州黃河之別源今據舊志及長安客話似高粱河與清泉河無別而長安客話謂發源西山匯流爲西湖又與水經注云水出薊城西北平地泉者異又春明夢餘錄金口在京西通盧溝河清河卽清泉河也方輿紀要金口河在府西三十五里東麻谷卽盧溝河東岸金人於此分引盧溝河一支東流穿西山而出以通漕運下視都城高十四丈餘金末恐暴漲爲患

畿輔安瀾志

永定河卷二

三

塞之又清河府北二十里源出昌平州一畝泉一云源出玉泉山分流北出會于沙河青溪漫橋礮山在都城西三十里清河玉泉之東西湖當其前金山拱其後帝京景物畧書山去阜城門二十餘里山後一畝泉今失去珂雪齋集過高粱橋楊柳夾道帶水清流洞見沙石據此則清泉河卽玉泉諸水而與高粱通者也畿輔通志清泉河古渾河正流也似桑乾入于地隨處起伏或爲清泉或爲

高粱因地而異名耳或疑水經注既以濕水南出山卽謂之清泉河又何上承桑乾之有且謂之渾河何得又有清泉之一名皆非也至或謂元時渾河至西麻峪分爲二支故其流漸弱至明時益斷續不常正統中嘗浚三里河以入之河在大興縣東南亦曰渾河舊渠自宛平縣東流入境又東至張家灣入白河此水似卽宛平縣志之清水河城西百十里逕大臺村入渾河此本名勝志蓋自西而東

畿輔安瀾志

永定河卷二

四

南出也于事勢爲合然旣別其名曰清水河則非清泉而春明夢餘錄謂清河卽清泉河方輿紀要清河府北二十里與宛平縣志之清水河去城西百十里者更懸絕矣

又曰車箱渠

方輿紀要在府西北曹魏嘉平二年劉靖督河北詣軍事登梁山觀水道源流乃立遏于水導高粱河造戾陵遏開車箱渠依北岸立水門景元二年

又遣樊良更制水門水流乘車箱渠自薊而北逕昌平東盡漁陽潞縣晉元康五年靖子宏復修治之水經注高粱水首受濕水于戾陵堰水北有梁山山有燕刺王旦陵故以名堰後廢後魏正光二年裴延儁刺幽州案戾陵諸遏廣袤三十里表求修復營造

畿輔安瀾志

永定河卷二

五

安隄記云盧溝至石徑山南遷徙靡常劉靖築堰以防之後人師其功謂之劉師堰酈注所謂梁山豈卽石徑山之支蘆乎李氏詩譜以爲梁山之上山非也水經濕水篇濕水過廣陽薊縣北酈注濕水又東逕廣陽縣故城北又東北逕薊縣故城南魏土地記曰薊城南七里有清泉河而不逕其北蓋經誤證矣是經與注南北異說也注又云濕水又東逕燕王陵南陵有伏道西北出薊州城中

docsriver 文川网
入驻商家 古籍书城

在文川网搜索古籍书城 获取更多电子书

通城西北大陵而是二其址盤回俯自高壯不知何王陵而鮑邱水篇注梁山燕刺王且之陵故以戾陵名塚是燕王陵也戾陵而不知何王者又一陵也後人或以漢燕刺王爲燕太子丹宋中宋其傳名之曰燕丹陵方輿紀要盧溝河出盧溝橋下東南流爲看丹口分爲二或誤爲燕丹口元史作東麻谷去府四十里然則戾陵塚燕丹陵燕丹口其實一也第戾陵當在盧溝橋上而紀要以看丹

畿輔安瀾志

永定河卷二

六

口爲在橋下似別有一看丹口又焉知看丹非燕丹之誤且據元史作東麻谷則麻谷爲河流出峽處其不在盧溝橋下明矣皆不可不辨

又有洗馬溝太湖西湖

名勝志洗馬溝在府西南四十五里相傳光武北巡洗馬於此故名太湖在府治西四十里南流入洗馬溝與玉淵潭燕家泊諸水匯而爲西湖 明統志太湖在府西南四十五里廣袤十數畝旁有

泉湧出經冬不凍東流爲洗馬溝玉淵潭元郡人丁氏故池柳隄環抱景氣蕭爽 喬宇白巖集玉泉山泉出如沸滴爲池清可鑑毛髮此西湖之源也 長安客話西湖去玉泉山僅里許即玉泉龍泉所滂此地最窪受諸泉之委滙爲巨浸土人名大泊河 方輿紀要西湖在府西玉泉山下玉泉之水出石罅間緒而爲池廣三丈許池東跨小橋橋下東流匯爲西湖周十餘里荷蒲菱芡沙禽

畿輔安瀾志

永定河卷二

七

水鳥稱爲佳勝

謹案水經注濕水又東與洗馬溝水合水上承薊

水即今柳林河西注太湖湖有二源水俱出縣西北平

地導泉流結西湖則是洗馬溝太湖西湖皆舊爲

濕水所滙不可畧也今渾河不出府城東其水始

流爲玉河合于大通河故此篇惟記本水其他曾

入之泉源與建置橋閘之類概不及焉

金開金口河旋塞元人兩開之復罷

金史河渠志大定十年議決盧溝以通京師漕運
上忻然命計之已而罷之十一年十二月省臣奏
復開之自金口疏導至京城北入壕而東至通州
之北入潞水及渠成以地勢高峻水性渾濁峻則
奔流漩洄嚙岸善崩濁則泥淖淤塞積滓成淺不
能勝舟其後上謂宰臣曰分盧溝爲漕渠竟未見
功若果能行南路諸貨皆至京師而價賤矣平章
政事駙馬元忠曰請求識河道者按視其地竟不

畿輔安瀾志

永定河卷二

八

能行而罷二十七年三月宰臣以孟家山金口牘
下視都城高一百四十餘尺止以射糧軍守之恐
不足恃倘遇暴漲人或爲奸其害非細若因塞之
則所灌稻田俱爲陸地種植禾麥亦非曠土不然
則更立重牘仍於岸上置埽官廨署及埽兵之室
可以無虞也上是其言遣使塞之 蘇天爵元名
臣事睿至元二年都水少監郭公言金時自燕京
之西麻峪村分引盧溝一支東流穿西山而出是

請金口其水自金口以東燕京以北溉田若干頃
兵興以來典守者懼有所失因以大石塞之今若
按視故迹使水得通流上可以致西山之利下可
以廣畿輔之漕又言當於金口西預開減水口西
南遠大河令其深廣以防漲水突入之患上納其
議 朱彝尊曰下舊聞金口河至正二年正月中
書叅議孛羅帖木兒都水傅佐建言起自通州南
高麗莊直至西山石峽鐵板開水古金口一百二

畿輔安瀾志

永定河卷二

九

十餘里創開新河一道深一丈廣二十丈放西山
金口水東流至高麗莊合御河接引海運至大都
城內輪納是時脫脫爲中書右丞相以其言奏而
行之廷臣多言其不可而左丞許有壬言尤力脫
脫排羣議而不納務於必行有壬因條陳其利害
畧曰大德二年渾河發水爲民害大都路都水監
將金口下閉閘板五年間渾河水勢浩大郭太史
恐衝沒田薛二村南北二城又將金口已上河身

用砂石雜土盡行堵閉至順元年因行都水監郭道壽言金口因水過京城至通州其利無窮工部官并河道提舉司大都路及闔屬官員耆老等相視議擬水由二城中間窒礙又盧溝河自橋至合流處自來未嘗有漁舟上下此乃不可行船之明驗也且通州去京城四十里盧溝止二十里此時若可行船當時何不于盧溝立馬頭百事近便却于四十里外通州爲之又西山水勢高峻亡金時

畿輔安瀾志

永定河卷二

十一

在都城之北流入郊野縱有衝決爲害亦輕今則在都城西南與昔不同此水性本湍急若加以夏秋霖潦漲溢則不敢必其無慮宗廟社稷之所在豈容僥倖于萬一若一時成功亦不能保其永無衝決之患且亡金時此河未必通行今所有河道遺跡安知非作而復輟之地乎又地形高下不同若不作閘必致走水淺澁若作閘以節之則泥沙渾濁必致淤塞每人每月專人挑洗蓋無窮盡之

時也且郭太史初作通惠河時何不用此水而遠取白浮之水引入都城以供開墾之用蓋白浮之水澄清而此水渾濁不可用也此議方輿傳聞于外萬口一辭以爲不可若以爲成大功者不謀于衆人言不足聽則是商鞅王安石之徒當今不宜有此議既上丞相終不從遂以正月興工至四月畢工起閘放金口水流湍勢急沙泥壅塞船不可行而開挑之際毀民廬舍墳塋夫丁死傷甚衆又

畿輔安瀾志

永定河卷二

十二

費用不資卒以無功繼而御史糾劾建言者李羅帖木兒傅佐俱伏誅謹案金口河卽今東西金溝金元來此河雖開而終未成渾河水湍寧可出于僥倖且自來紀載以爲渾河至看丹口分爲二方輿紀要引元史爲東麻峪考元史河渠志盧溝河至都城四十里東麻峪分爲二而不言其方向明史稿兩河渠志刪此三字吳道南集吳訥集河防志方輿紀要今

水經舊叢諸書皆云至看丹口分爲二河防志明指爲在盧溝橋下紀要明史地理志又因之今河隄二工河有東西麻峪村宜在盧溝橋下矣第金口河似水出金山口得名一統志金山在礮山之北則此河口定在盧溝橋上觀元史郭守敬傳及名臣事畧俱云燕京之西麻峪村而金史河渠志又云孟家山金口橋下視都城詳其形勢斷不在盧溝橋下分水且山谷不變而村或屢移亦未可

畿輔安瀾志

永定河卷一

三

據今之村定昔之地也竊意麻峪村有二在金山山爲西麻峪此金人導水之處在盧溝橋下者爲東麻峪此元人引渾河會白榆二河爲通惠河者也明統志清河源自昌平縣西南一畝泉經燕丹村東南合榆河則是上下相去七八十里豈可弁而爲一而紀要前既引元史証看丹口爲東麻峪而于金口河復云在順天府西三十餘里東麻峪村卽盧溝河東岸是金口河與看丹口又無別也又明實錄成化七年戶部尚書

楊鼎工部侍郎喬敷請開通惠河奏云今其水從皇城金水河流出難尋故道其白浮一畝泉三里河草橋金口諸水皆不可引導又云元人開此河曾用金口之水其勢洶湧衝沒民舍船不能行卒爲廢河是此河久不與通惠相通可知今東麻峪村惟永定河經由其地更不復有他水口開引東向古今水道之一變遷也

又一支自宛平縣東流逕大興縣東南三里河水注

畿輔安瀾志

永定河卷一

三

焉

二統志渾河舊自宛平縣東流逕大興縣南至東安武清入白河卽桑乾故道也三里河在大興縣東南元時名文明河謹案輟耕錄元京城南第三門名文明接通惠河爲糧儲運道置鐵閘明時堙廢成化中楊茂言京城南舊有三里河直通張家灣煙墩橋以西澮之可通漕運戶部尚書楊鼎等云此河舊無河源正統中因修城垣作壩蓄水又恐雨溢故于正陽

橋東南開通壕口以洩其水始有三里河之名自
壕口三里至八里莊始接渾河舊渠岸多廬舍深
處止二三丈濶僅丈許難以行舟事乃止嘉靖初
桂萼復請修之亦不從今故道已成平陸 傅澤
洪行水金鑑三里河出都城西過都城東南十里
至煙墩港入渾河

謹案明憲宗實錄命戶部尙書楊鼎工部侍郎尙
毅查勘通惠河故道故鼎等有此奏此成化七年

畿輔安瀾志

永定河卷二

西

事然云接運河舊口則東流一支時已堙涸矣桂
萼請開三里河事在嘉靖六年

又東南流逕通州西高麗莊

方輿紀要高麗莊在通州西十三里盧溝河所經

又東南流逕州南十五里之張家灣與白榆二河合

是爲潞河

此即水經注高梁河東流與潞河合之故道今無水

河防志渾河出盧溝橋下東南至看丹口分爲二

其一東流出通州高麗莊入白河

謹案見前

明史河

渠志宣德七年侍郎王佐言通州至河西務河道

淺狹張家灣西舊有渾河諸疏濬帝以役重止之

方輿紀要通州渾河在州西南自盧溝分流經

州南十五里謂之張家灣以元時萬戶張瑄督海

運至此而名 燕錄白河至州東折而迤西處曰

張家灣蓋盧溝河與白河會流處也 行水金鑑

白榆河二河之水合流名曰潞河 一統志和合

驛在通州東南三十五里舊名合和驛以白榆渾

畿輔安瀾志

永定河卷二

五

三河合流而名明永樂初置萬歷間移置張家灣
改今名

謹案酈道元以沽河爲西潞鮑邱水爲東潞高梁

之水注之明代渾河舊流適與古合鮑邱水上承

大榆河故行水金鑑一統志皆以榆水易之

又有凉水河出

南苑下流入鳳河

二統志凉水河在宛平縣南由水頭莊泉發源東

南流入

南苑逕馬駒橋又東逕通州南曰南新河

謹案涼水河由

南苑出半里橋下逕楊申店出馬駒橋引流至高各莊

迤南自通州岸上村逕白水莊為新河東南流逕

德勝屯馬房下與鳳河合入武清縣界之臺頭村

長四十餘里雍正四年開

鳳河源出

畿輔安瀾志

永定河卷二

去

南苑逕大興縣東南即元渾河故道也東流逕廢灤縣

西北為灤河一名新莊河又東流逕東安縣東北鳳

窩村曰鳳河又東流逕武清縣西北又東流逕天津

縣北注永定河

孫承澤春明夢餘錄新河在灤縣西一名灤河自

盧溝水分流至縣界析而為三其一逕東入白河

其一為新莊河南流入武清縣界其一為黃漚河

東逕馬家莊之飛放泊 明史地理志順天府東

命查修水利欲加疏濬而水源漸細不足以為恒流有涼水

安縣治內有鳳河即桑乾分入三角淀 畿輔通

志鳳河墩上村河身深廣以下填淤斷續一遇伏

秋水潦散漫無歸雍正四年怡賢親王奉

河可南引至墩上村入鳳河故道次年河成宛平

灤縣武清東安一帶積潦盡消桐村牛鎮三間房

等處開渠引水營田 舊灤縣志灤河水遠灤縣

城故名在縣西二十五里經水南村曰小南河至

畿輔安瀾志

永定河卷二

去

新河店曰新河至蒼頭村曰蒼頭河至黃漚村曰

黃漚河隨地立名皆此水也黃漚河東注馬家莊

之飛放泊灤水店在縣北三十里往來孔道也

東安縣志東安昔稱澤國今境內惟渾河一道南

岸間有淹沒之虞下口不無水估之處民常以此

為患然所患者不在渾河而在瀝水蓋東安西北

受宛大固永之水從前東南多係淀泊數道分流

引歸三角淀不致為害今自狼城至穆家口俱為

渾河所佔南面無受水之區惟賴鳳河出口一遇
霖雨過多瀝水驟至宣洩不及東南各村一帶沮
洳

謹案鳳河自大興縣東南雍正四年導凉水河之
水入之又東逕東安武清二縣下入天津縣西北
丁家莊南行導水白葉店分溝競納至韓家樹四
歸於淀池之大清河河面寬二丈深二三尺不等
元史河渠志盧溝河至都城四十里東麻峪分爲

畿輔安瀾志

永定河卷二

六

一明代言渾河者皆云至看丹口分爲二惟孫承
澤春明夢餘錄有新河至灤縣分析爲三派之說
通州志亦云桑乾河至看丹口分爲三派元史所
記二派鳳河其一也明人以盧溝橋下者爲一支
東入潞者爲一支雖同分二派而有別蓋其時鳳
河水已斷流故也永定河舊由勝芳臺頭等處入
淀雍正三年老河頭改歸王慶坨抵三角淀後復
淤平乾隆十六年自秉教村即水口東添開引河分

流渾濁由安光入葉淀二十年復自北岸第六工
改移河流專由葛漁城入沙家淀散漫歸於鳳河
出鳳口歸入大清河而鳳河久無來源向由隄上
村二光歸三角淀雍正四年挑引凉水河至墩上
村入鳳河改由韓村桐村等處今通流之水即永
定河下口所出之水也向屬永清縣雍正八年以
請正疆域事始改屬天津府其隄岸一切工程仍
歸永定河道屬三角淀通判管轄蓋鳳河水係

畿輔安瀾志

永定河卷二

九

渾河舊渠下爲今永定河出水要津雙口上下每
苦淺狹歷年濬治深廣居然巨流而葉家莊以上
沿北埝之外而下者復有北岸求賢草壩之減水
河以及龍河啞吧河皆入焉沿南埝之內而下者
則有內減河至青光入鳳河之下口每至伏秋衆
流奔趨咸資宣洩乃永定河之尾閘積淤之去路
講求全局形勢舍鳳河別無出水之處誠要區也
龍河起大興縣之田家營南流入東安縣境又東南

流入武清縣境羅鍋判又東南流逕解口村仍入東安縣境又東南流逕響口村至定子務復入武清縣境逕石各莊循北大隄減河歸鳳河

謹案縣志謂龍河無來源起自大興縣之田家營

入東安縣境由鑿箕營屯民潘村即家營北阜大

五龍劉各莊小祖各莊南易于家常鋪王家常鋪

承豐王家鋪皮家務張家務丈房河東安縣志城東南十三里

七字隄東安縣志城東南十三里至武清縣之羅窩判長七十

畿輔安瀾志

永定河卷二

三

餘里又自武清縣屬解口村入東安縣屬響口村

長十三里至定子務穆家口復入武清縣境長十

餘里向於六道口歸三角淀雍正六年築三角淀

北隄建設湖洞以消瀝水嗣因六道口民隄衝淤

又加築北埝遂由石各莊循北埝減河歸鳳河

啞吧河起固安縣之華各莊東流入東安縣境至張

家野雞莊入永清縣境又自永清縣橫亭入東安縣

境至濟南屯會草溝舊由葛漁城東歸淀今至惠家

鋪南循北埝大隄減河歸鳳河

乾溝自東安縣小韓村至濟南屯歸啞吧河

謹案龍河啞吧河乾溝皆分減瀝水之區也今龍

河尚有河槽亦多淤淺啞吧乾溝半已淤成平陸

河溝多被佔種此三河者東邑境內疏洩所資之

要道也舊縣志盧溝水至東安過耿就橋一分東

至界河入土樓東南一分西至界河入左奕西南

今自盧溝橋下流從固安縣逕永清縣北東注自

畿輔安瀾志

永定河卷二

三

孫家堡一分派永清之南一分派東安之西至隆

慶末年分派于東安者又分為二一由韓村至管

家屯迤東離縣二十里即停不行一從韓村東南

下懸衡亭左奕朱村馬子莊至挑河頭至萬歷二

年積雨水溢八畜漂沒知縣洪一謨乃請築隄隄

成賴以無患六年馬子莊隄口決淹駱駝灣知縣

韓景閔塞之九年舊口復決知縣張汝蘊修之自

是屢修屢決二十三年河徙于霸州泥沙舊址盡

成妖壤名勝志出樓在東安縣六里宋時爲土兒
衛臺高一丈二尺盤一百六十步奕臺在縣西八
里宋爲左奕衛其西有倉如土樓制元時點軍於
此此卽啞吧乾溝二河之水道蓋永定河之故迹
矣

半截河新河在永清縣東北北岸六工汛乾隆二年
開十二年塞

北大隄減河起固安縣之求賢村草壩入永清縣屬

畿輔安瀾志

永定河卷二

五

之野雞張家莊迤五道口由鳳凰莊入東安縣境至
惠家鋪會啞吧河至穆家口入武清界至龐各莊東
歸鳳河

謹案北埵減河有二一自三工求賢草壩起循北

隄下至東蕭家莊入鳳河長一百五十餘里一自

五工盧家莊草壩起由重隄以內下至范舊口入

永定下口正流長七十餘里又有遙隄小河一道

止接永安縣辛莊入武清縣西南境由黃花店太

子務河東營至南宮村入鳳河長三十餘里卽龍
河之下尾

南埵減河一自五工曹家務草壩起循隄外水溝入
南埵內減水河長五十餘里一自六工郭家務草壩
起由永定舊河出牛眼循南埵下至青光入鳳河下
口長一百十餘里

卽縣志所謂埵
坡埵減河也

東安縣志南北埵減河就築隄方坑挑濬成河以
洩永定河草壩分減之水渾河所過輒淤土多浮

畿輔安瀾志

永定河卷二

五

沙必需每年量爲疏濬以免壅滯之患也

謹案今永定河由北大隄放水南埵減河不復疏

濬以上諸河既開後亦有旋廢者然一時禦災捍

患之計經營籌度之方固不可得而泯也且今鳳

河爲下口出水之要區修濬在所宜急而龍河啞

吧諸河引水分支以消京東瀝水形迹尚存涓流

未絕細想前規必加之意焉

北埵減河起永清縣之郭家務草壩迤霸州李家

鋪明志屬辛明志屬東安境至水大王村明志屬仍入霸州

境歷靜海武清天津三縣界至老河頭入大清河大清

河州

飛放泊在廢灤縣境

方輿紀要飛放泊在府順天東南地名北城店廣三

十餘頃又西有黃埃莊飛放泊柳林在縣西灤縣元

至元十八年如灤州又如柳林是後皆以柳林為

游畋之地建行宮于此

畿輔安瀾志

永定河卷一

謹案飛放泊柳林海子皆在灤縣飛放泊有三一

馬家莊者在縣城北八里一南辛莊者在縣南二

十五里一栲栳堡者在縣西南二十五里今多淤

廢

柳林海子在廢灤縣西今淤

元史本紀世祖至元二十四年正月以修築柳林

河隄南軍三千浚河西務漕渠文宗至順元年調

諸衛卒築柳林海子隄堰三年七月調軍士修柳

林海子明志屬道

延芳淀在廢灤縣西

方輿紀要在縣西廣數百畝中多菱芡雁鶩之屬

遼時每春季則弋獵于此

謹案一統志延芳淀在通州西南舊志今南海子

側有延芳村或謂延芳淀即南海子之舊名非也

南海子在大興縣正南元混一方輿勝覽所謂下

馬飛放泊是也此延芳淀在舊灤縣西今灤縣入

畿輔安瀾志

永定河卷二

通州故云在通州西南豈可遂以南海子當之遼

時遊獵多以延芳為名北平古今記統和四年十

月命皇族廬帳駐東京延芳淀是東京亦有延芳

淀也又多名飛放泊如所謂下馬飛放泊及馬家

莊南辛莊栲栳莊諸飛放泊是也又名海子所謂

南海子柳林海子是也名稱雖同而地各有在遼

史本紀幸延芳淀屢矣每以春月來遊要為弋獵

之所燕山叢錄縣西有延芳淀大數頃中饒荷

芟水為澤集其中遼時每季春必來此弋獵打鼓

驚天鵝飛起縱海東青擒之得一頭鵝左右皆呼

萬歲柳林海子在灤縣西延芳淀亦在西似海子

卽延芳淀矣以上諸水皆入鳳河今多湮廢

東潞河起東安縣城外南壇逕出家莊穿啞吧河至

甄家莊歸儻子淀今淤

巨野河起東安縣北大尹經北馬子莊穿啞吧河至

甄家莊北今淤

畿輔安瀾志

永定河卷二

美

東安縣志二河明主簿向瑛挑以洩渾河景張

東沽港在東安縣南五十八里自縣西渾河分流而

東入武清縣三角淀

徐孟泊在東沽港東南亦名上下接口

東安縣志

為初置為網戶地後漸淤平雍正四年怡賢親王奏請

歸復原業卽今續地糧是也

瓊川淀在東安縣南七十里卽白溝河諸水下流東

入磨漢港今淤

磨漢港在東沽港東南狼城之漢河也今淤

響河在穆家口北北逕解口宋時東川分派今淤

謹案永定河自盧溝橋而下水聲忽大奔流二百

餘里高可四五尺沙石爭趨林木響應明子奕正

詩捲土成濤飛赤雪賦其實也

穆家口河在葛漁城東北上通響口解口下逕八里

橋入六道口今淤

畿輔安瀾志

永定河卷二

美

長淀泊在葛漁城東今淤

儻子淀在甄家莊東北今淤

蓮花泊在東安縣南三十里東南流逕葛漁城入武

清縣界今淤

桃河泊在東安縣南五十里渾河水所瀉也流入三

角淀今淤

謹案漢志桃水首受涑水東至安次入河在今東

安縣水經注於下流但言聖水今更為渾河所

奪桃河泊嘗贈以桃水得名有作挑河頭者非

三角淀

見清河東西淀篇

母溝泊在武清縣東南廣二十餘里地勢窪下為瀝

水匯歸之所

沙家淀在武清縣南五十里為苑大東武四邑瀝水

之匯

謹案永定河于乾隆四年自鄭家樓北折逕葛漁

城入淀水勢盈溢五年接築北隄四十餘里沿鳳

畿輔安瀾志

永定河卷二

天

河邊圍之始無北隄

葉淀在雙口西交天津武清兩縣境西北接沙家淀

匯永定河入鳳河

謹案葉淀沙家淀本相連而葉淀尤廣濶周一百

三十餘里現在永定尾閘全入此淀勻蓄泥沙清

澈而後入鳳河

清沽港在武清縣南八十里西接安沽港東接丁字

沽由直沽入于海

劉家河在武清縣南七十里

又光在武清縣南九十里

黃花套在武清縣南九十里

畿輔安瀾志

永定河卷二

天

docsriver 文川网
入驻商家 古籍书城

在文川网搜索古籍书城 获取更多电子书

畿輔安瀾志

王履泰恭纂

永定河卷三

故道

其一支西南出涿州東固安縣北又徙縣之西又徙縣城南上奪廣陽鹽溝琉璃挾活胡良諸河道清渾交錯為患最鉅諸河詳涿水篇

方輿紀要巨馬河在固安西南三十里志云盧溝

畿輔安瀾志

永定河卷三

一

河入縣境復分流在霸州界謂之巨馬河或謂之安陽河周顯德六年世宗遣先鋒將劉重進據固安自至安陽水作橋謀取幽州會有疾而還建文時燕王駐兵固安渡巨馬河即此一統志琉璃河南入涿州界亦名清河自琉璃橋東行可四十里折而東南可二三里得挾河口又東南二十里得巨馬河口又東南七八里為茨村正西去涿州三十里東岸有渾河決入之口土人云舊時渾河

從固安之故城村決而西南至茨村東北合琉璃

河遂直衝茨村分為二後渾河漸徙而東至康熙

戊辰始盡掩塞不復相通而琉璃河遂南入新城

縣界其故道由涿州東逕固安永清東安霸州界

今皆為渾河所奪固安縣志桑乾河自盧溝下

流入縣境明嘉靖初徙縣北十餘里東流至縣東

紀家莊北分為二萬曆中又徙縣西十餘里東南

流經黃堡之北而東南入霸州界尋又徙縣南城

畿輔安瀾志

永定河卷三

二

隄下後又徙縣北榆堡店又徙麗家莊

本朝順治十一年由縣西宮村與清水合流而南入新

城縣界

謹案水經濕水篇又東南出山過廣陽薊縣北酈

道元注引魏書土地記在南之文證其誤終不及

涿固以下可知此水雖在南而下流未之改也隋

大業七年征高麗行宜社禮於薊城南桑乾水上

桑乾之在薊南可知也金史本紀世宗大定二十

六年五月盧溝決於上陽村湍流成河遂因之盧溝之決而西南出實始於此大抵水性就下亦東趨金元之世以其偏近都城恐有衝突不得不閉東流使之西南注拂逆其性乃告厥災然止及於東安之境元史河渠志書渾河決溢在武清者二在東安者一卽鳳河所行之一支猶未及固安也明洪武十六年濬桑乾河自固安至高家莊八十里

見河渠志永樂二年十月修固安縣渾河決岸

見實錄

固安縣志

永定河卷三

三

則固安之被水殆元末明初之會乎

本朝自康熙三十七年開河但令不使直奪琉璃諸河更不使漫入白溝為京西南之患然自固安以下導入霸州玉帶河計其方位終不離乎西南也旋有柳岔之改則漸移而東向及范疇冰窖屢改下口至今北大隄之放水東趨之盛於斯而極且又合於古入箭溝之故道然而上流仍出固安則其西南一折未能全改所以今日防河之患全在於

此每年伏秋大汛總又固安舊道有二一支由西

南入新城抵雄縣合白溝河一支迤南抵霸州合

拒馬河之下尾又會南易水其入新安縣者謂之

清河自縣西北境南趙村岡頭村公村

卽官村至蘇

家橋與清河合東岸為義上村駱駝村石家莊承

相莊孫家莊王馬店西岸為新非明村國城村河

頭滿老堡桑葉以下入新城縣界此順治十一年

斷流也其以霸州者謂之救道自縣西北境北村

固安縣志

永定河卷三

四

逕楊儒務北岸為西徐村公田村馮夫人村金撥

拉又分二支一由公主府對岸為唐陽村又東北

逕縣城十里鋪隄下又東南逕劉村其中曰柳泉

東南為西時村嚴村韓寨村馬房村王旗營焦堡

賀家營又家鋪而東入霸州界南岸為新莊村翟

村沙陀村雞城方村與金撥拉一支分派其中為

家移村北岸為石家務無為村高吳村琉璃村半

邊店沙堡翟村趙家莊南岸為彭村張村白隄村